



Broj: 0101-4549-7/20
Sarajevo, 25. 06. 2020. godine

Na osnovu članova 69. stav 2. tačka d) i 70. stav 4. Zakona o javnim nabavkama („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku robe – Softver za geografski informacijski sistem, na preporuku Komisije za javnu nabavku broj: 0101-4549-6/20 od 22. 06. 2020. godine, rektor Univerziteta u Sarajevu donio je

ODLUKU

o poništenju postupka javne nabavke robe za Softver za geografski informacijski sistem

Član 1.

Prihvata se preporuka Komisije za javnu nabavku broj: 0101-4549-6/20 od 22. 06. 2020. godine i postupak javne nabavke robe - Softver za geografski informacijski sistem, **SE PONIŠTAVA**, iz razloga utvrđenih članom 69. stav 2. tačka d).

Član 3.

Ova Odluka će biti objavljena na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 0101-4549-1/20 od 28. 05. 2020. godine Univerzitet u Sarajevu je pokrenuo otvoreni postupak za javnu nabavku robe – Softver za geografski informacijski sistem, za potrebe Projekta SETOF - Soil Erosion and Torrential Flood Prevention: Curriculum Development at the Universities of Western Balkan Countries (598403-EPP-1-2018-1-RS-EPPKA2-CBHE-JP).

Za provođenje postupka javne nabavke, Odlukom broj: 0101-4549-2/20 od 28. 05. 2020. godine imenovana je Komisija za provođenje predmetnog postupka javne nabavke.

Obavještenje o javnoj nabavci broj: 999-1-1-46-3-43/20 objavljeno je na Portalu javnih nabavki dana 29. 05. 2020. godine. Istog dana, na Portalu javnih nabavki objavljena je i Tenderska dokumentacija broj: 0101-4549-3/20. Sažetak Obavještenja o javnoj nabavci broj: 999-1-1-46-3-43/20, objavljen je u „Službenom glasniku BiH“ broj: 31/20 od 05. 06. 2020. godine.

Iz *Izvjestaja o preuzimanju tenderske dokumentacije* od strane ponuđača, kreiranog sa Portala javnih nabavki dana 15. 06. 2020. godine u 10:07 sati, vidljivo je da su, u periodu koji je ostavljen za dostavljanje ponuda, Tendersku dokumentaciju broj: 0101-4549-3/20 objavljenu dana 29. 05. 2020. godine preuzeli sljedeći potencijalni ponuđači: BBS Europe, Ekapija doo, Imel doo, Blicnet d.o.o., Gauss d.o.o., Lanaco doo, Pprinter ITSS doo, GDI d.o.o. Sarajevo, Ping d.o.o., Atia doo Sarajevo, Instruments, Mapsoft d.o.o., Protim d.o.o. Sarajevo, Orbicode d.o.o, Codexity, North Solutions, Tenderi doo HR, Mibo Komunikacije d.o.o., Mtel a.d. Banja luka, Emyny u.d..

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 16. 06. 2020. godine, vidljivo je da u periodu koji je ostavljen za dostavljanje pitanja i odgovora, od strane potencijalnih ponuđača nije bilo postavljenih pitanja.

Od strane potencijalnih ponuđača nije bilo žalbi na Tendersku dokumentaciju.

Iz Zapisnika o otvaranju ponuda vidljivo je da je dana 15. 06. 2020. godine u 11:00 sati, Komisija za javnu nabavku, izvršila javno otvaranje blagovremeno dostavljene ponude sljedećeg ponuđača:

R.br.	Naziv i sjedište ponuđača	Broj prijemnog protokola	Datum i vrijeme prijema ponude
1.	GDI D.O.O. SARAJEVO Fra Anđela Zvizdovića 1, 71000 Sarajevo	0101-6157/20	15. 06. 2020. godine 10:20

U zapisniku o otvaranju ponuda konstatovano je da nije bilo neblagovremenih ponuda.

Na javnom otvaranju ponuda ispred firme GDI d.o.o. Sarajevo nije bilo prisutnog predstavnika ponuđača, a od strane članova Komisije i ostalih prisutnih na javnom otvaranju ponuda, nije bilo primjedbi na postupak otvaranja ponude i ostale priopćene informacije.

Sačinjen je Zapisnik o otvaranju ponuda te ponuđaču poslat putem pošte i e-maila.

U Zapisniku o otvaranju ponuda je sačinjen sažetak ponuda primljenih u roku:

R.br.	Naziv i sjedište ponuđača	Ponuđeni popust	Ukupna cijena ponude
1.	GDI D.O.O. SARAJEVO Fra Anđela Zvizdovića 1, 71000 Sarajevo	0,00	14.500,00 KM bez PDV-a

Iz Zapisnika Komisije za javnu nabavku vidljivo je da je Komisija započela sa pregledom ponude dana 15. 06. 2020. godine, radi ocjene ponude, odnosno da bi utvrdila da li je ponuđač ispunio uslove iz članova 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li je dostavio tehnički zadovoljavajuću ponudu.

Iz Zapisnika o pregledu i ocjeni ponuda vidljivo je da je Komisija za javnu nabavku, nakon provjere računске ispravnosti ponude, utvrdila da u ponudi nije bilo računskih grešaka, odnosno da je ponuda ponuđača GDI d.o.o. Sarajevo, računski ispravna.

U cilju ocjene ispunjavanja uslova za primjenu preferencijalnog tretmana domaćeg, nakon pregleda ponude ponuđača GDI D.O.O. SARAJEVO Fra Anđela Zvizdovića 1, 71000 Sarajevo Komisija za javnu nabavku utvrdila je da ponuđač nije dostavio potvrdu Vanjskotrgovinske komore ili druge nadležne privredne komore da najmanje 50% ukupne vrijednosti od ponuđenih roba imaju porijeklo iz Bosne i Hercegovine, te je Komisija ocijenila da se na ponudu navedenog ponuđača ne primjenjuje preferencijalni tretman domaćeg.

Nakon pregleda ponude ponuđača GDI D.O.O. SARAJEVO Fra Anđela Zvizdovića 1, 71000 Sarajevo Komisija za javnu nabavku utvrdila je da je ponuđač u ponudi, dostavio obrasce i izjave otkucane na memorandumu ponuđača, a ne u obliku priloga iz Tenderske dokumentacije.

Pri tome utvrđeno je da na Obrascu za cijenu ponude nedostaje dio koji stoji u NAPOMENI Obrasca za cijenu ponude iz Priloga II Tenderske dokumentacije, koji je ponuđač također dužan potpisati, ali i da tekst Obrasca za cijenu ponude iz ponude ponuđača nije identičan tekstu Obrasca za cijenu ponude iz Priloga II Tenderske dokumentacije.

S obzirom da je Tačkom 14. Tenderske dokumentacije utvrđeno da ponuđač **ne smije mijenjati niti dopunjavati tekst Tenderske dokumentacije**, Komisija za provođenje postupka javne nabavke je primjenom odredbi *Zakona o javnim nabavkama* i *Uputstva za pripremu modela tenderske dokumentacije i ponuda*, i to člana 2. stav 1. tačka l) prema kojem ponuda može biti neprihvatljiva ukoliko ne ispunjava uslove tražene tenderskom dokumentacijom, člana 57. stav 1. prema kojem se ponuđač u postupku javne nabavke pridržava zahtjeva i uslova iz tenderske dokumentacije, te člana 16. *Uputstva za pripremu modela tenderske dokumentacije i ponuda* prema kojem postupak pregleda i ocjene ponuda obavlja komisija za javne nabavke na osnovu uslova i zahtjeva iz tenderske dokumentacije, **ponudu ponuđača GDI d.o.o. Sarajevo ocijenila kao neprihvatljivu**, te istu odbacila u skladu sa članom 68. stav (4) tačka i) Zakona o javnim nabavkama.

Budući da je ponuda ponuđača GDI d.o.o. Sarajevo ocijenjena kao neprihvatljiva, Komisija za provođenje postupka javne nabavke dala je preporuku rektoru Univerziteta u Sarajevu da u skladu sa članom 69. stav 2. tačka d) Zakona o javnim nabavkama, u otvorenom postupku javne nabavke robe – Softver za geografski informacijski sistem, donese odluku o poništenju postupka.

Iz naprijed navedenih razloga, primjenom člana 69. stav 2. tačka d) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ovog ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama.

REKTOR


prof. dr. Rifat Škrijelj

Dostaviti:

1. GDI D.O.O. SARAJEVO Fra Anđela Zvizdovića 1, 71000 Sarajevo
2. Prorektor za finansije
3. Jedinica interne revizije
4. Generalni sekretar
5. Služba za računovodstvo i finansije – POC
6. Služba za javne nabavke
7. web stranica UNSA
8. a/a

Prilog:

- Zapisnik o pregledu i ocjeni ponuda